

# Berger per Berther

Niev president tier la Fundaziun Puntreis a Mustér

■ (anr/hh) **Alla radunonza ordinaria dil cussegl d'administraziun e dalla Fundaziun dil Center da sanadad Puntreis a Mustér la mesjamna sera ei Christoph Berger vegnius eligius sco niev president dalla fundaziun. Il tgamun dil cussegl d'administraziun vegn els mauns d'André Schmid.** Dil cussegl da fundaziun han il president *Clemens Berther* (Mustér) ed *Arno Berther* (Tujetsch) demissiunau. *Livio Zanetti* (Mustér) ha midau dil cussegl da fundaziun el cussegl d'administraziun dalla societad acziunara ch'ei ina feglia dalla fundaziun. Niev el cussegl da fundaziun entran *Mario Flepp* (Mustér), *Beat Rösclin* (Tujetsch)

e *Christoph Berger* (Mustér). Relegi en quei gremi vegnan *Marlis Venzinspescha* (Medel), *Carmelia Bundi-Jacommet* (Medel) e *Peter Hüssy* (Tujetsch). Il presidi dil cussegl da fundaziun vegn da niev els mauns da Christoph Berger, vicepresident ei Peter Hüssy. Dil cussegl d'administraziun dalla Center da sanadad Puntreis SA ein *Baseli Berther* (Tujetsch), *Hans Huonder* e *Cecilia Maissen* (omisus Mustér) seretratgs. *Arnold Flepp* e *Clau Giusep Flepp* (omisus Medel) ein vegni reeligi. Da niev el cussegl d'administraziun entran *André Schmid* (Tujetsch), *Gebharda Berther* (Tujetsch), *Livio Zanetti* (Mustér) ed *Jris Lombris*

(Mustér). André Schmid vegn a presidiar quel, vicepresidente resta Clau Giusep Flepp. Cussegl da fundaziun e cussegl d'administraziun han danovamein saviu mirar anavos sin in bien onn da fatschenta. 2017 ei la casa stada occupada per 98,8 pertschien. Quei munta in'occupaziun da 19 641 dis da tgira. Grazia a quei fatg seprenta in quen ulivau cun ina sviulta da rodund sis milliuns francs. Il quen ed il rapport annual dalla Puntreis SA ein dil reminent publicai silla pagina d'internet dil Center da sanadad Puntreis SA. La casa da tgira vegn menada cun grond engaschament e bia capientscha da *Diego Deplazes*.



**La Fundaziun Puntreis ha realisau ina senda che colgia la surbaghegiada «Sut Gliendas» cun la casa da tgira a Mustér. Aschia ei ina colgiaziun accessibla cun sutgas da rodas garantida. La soluziun catta da porscha denton era la pussevltad a cussadentas e cussadents ch'ei en sutga da rodas ni rollatur da far ina spassegiada sil plaz niev.**